

Ո Ր Ո Շ ՈՒ Մ Ն 332 /6
/Ճանապարհային վճարների գանձման վերաբերյալ/

<<28>> Նոյեմբերի 2018թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Արմեն Գրիգորյանս, քննելով Վաղինակ Սուքիասյանի /անձն. BA1440299, Լոռու մարզ, գ. Սվերդլով, 11-րդ փ., 1-ին նրբ., տուն 4/ նկատմամբ հարուցված վարչական իրավախախտումների վերաբերյալ գործը,

Պ Ա Ր Զ Ե Ց Ի

ՀՀ քաղաքացի Վաղինակ Սուքիասյանը 2011թ. սեպտեմբերի 4-ին թիվ F60913 ԲՄՀ-ով «Ժամանակավոր ներմուծում» մաքսային ռեժիմով 15 օր ժամկետով ՀՀ է ներմուծել 1990 թվականի արտադրության «VAZ 2109» մակնիշի, K591AP163 հաշվառման համարանիշի ավտոմեքենա, սակայն սահմանված ժամկետում չի կատարել ավտոմեքենայի հետագա արտահանման պարտավորությունը:

ՀՀ ԿԱ ՊԵԿ Բազրատաշենի մաքսային կետի պետի 14.10.2011 թվականի որոշմամբ Վ.Սուքիասյանի նկատմամբ նշանակվել է վարչական տուգանք՝ 73.692 դրամի չափով, որը Վ.Սուքիասյանը վճարել է 27.08.2018 թվականին:

Վ.Սուքիասյանը 27.08.2018թ. դիմումով հայտնել է, որ ավտոմեքենան մի քանի տարի առաջ՝ 2015 թվականի հուլիս ամսին գլորվել է ձորը, որի արդյունքում վերածվել է մետաղի ջարդոնի և վերջինս չի կարող նշված ավտոմեքենայի հետ կապված մաքսային հայտարարգիր ներկայա

Վ.Սուքիասյանի դիմումը կից փաստաթղթերով Իրավաբանական վարչության կողմից ուղարկվել է ՀՀ ՊԵԿ հետաքննության վարչություն՝ հնարավոր մաքսային կանոնների խախտման հարցը պարզելու նպատակով:

ՀՀ ՊԵԿ Հետաքննության վարչության պետի կողմից Վաղինակ Հերոսի Սուքիասյանի նկատմամբ 24.10.2018թ. կայացվել է «Վարչական գործի վարույթ սկսելը մերժելու մասին» թիվ 274 որոշումը: Որոշման համաձայն՝ 2011թ. սեպտեմբերին Վ.Սուքիասյանի կողմից ներմուծված «VAZ 2109» մակնիշի ավտոմեքենան ենթարկվել է վթարի, որի հետևանքով վերածվել է ջարդոնի և դարձել շահագործման համար ոչ պիտանի: Վ.Սուքիասյանի նկատմամբ ՀՀ ՄՕ 198-րդ հոդվածով նախատեսված մաքսային կանոնների խախտման վարույթ չի սկսվել, քանի որ լրացել են վարչական պատասխանատվության ենթարկելու ՎԻՎ ՀՀ օրենսգրքով նախատեսված ժամկետները:

«Վարչարարության հիմունքների և վարչական վարույթի մասին» և «Ճանապարհային վճարի մասին» Հայաստանի Հանրապետության օրենքների դրույթներով, Վ.Սուքիասյանի կողմից 2011 թվականի սեպտեմբերից մինչև 2015թ. հուլիս ամիսն ընկած ժամանակահատվածի համար ճանապարհային վճարի չվճարման փաստի առթիվ հարուցել է վարչական վարույթ և նշանակվել է գործի քննություն 28.11.2018թ. ժամը 11:00-ին, վերջինս պատշաճ ծանուցվել է գործին առընչվող դիմումի մեջ նշված էլ. հասցեով, սակայն չի ներկայացել գործի քննությանը:

Վ. Սուքիասյանի եղբոր կողմից ներկայացվել է տեղեկանք, որի համաձայն ըստ ականատեսների Վաղինակ Սուքիասյանի կողմից ձեռք բերված մեքենան 2015թ. հուլիս ամսին վթարի ենթարկվելով ընկել է ձորը, ինչպես նաև մինչև վթարի օրը չի շահագործվել և կայանված է եղել իրենց բակում:

Մաքսային կանոնների խախտման վերաբերյալ վարչական վարույթի շրջանակներում հարցում է կատարվել ՀՀ ՊԵԿ Ներքին անվտանգության վարչություն՝ Վաղինակ Սուքիասյանի ՀՀ լինելու վերաբերյալ տեղեկատվություն ստանալու նպատակով: Պատասխան գրությունից պարզվել է, որ վերջինս բացակայում է ՀՀ-ից:

Վաղինակ Սուքիասյանի նկատմամբ հարուցված վարույթի քննարկումը ՀՀ ՄՕ 219-րդ հ. 2-րդ մասի համաձայն քննվել է նրա բացակայությամբ, քանի, որ ըստ ՀՀ ՊԵԿ Ներքին անվտանգության վարչության կողմից տրված սահմանային պատմության վերջինս գտնվել է ՀՀ-ից դուրս:

Իրավահարաբերության ծագման պահին գործող «Ճանապարհային վճարի մասին» ՀՀ օրենքի 4-րդ հոդվածի համաձայն՝ ճանապարհային վճարի տեսակ է համարվում այլ պետություններում գրացված տրանսպորտային միջոցներով ավտոմոբիլային ճանապարհներից օգտվելու համար վճար: Օրենքի 5-րդ հոդվածի համաձայն՝ այլ պետություններում գրանցված տրանսպորտային միջոցներով ավտոմոբիլային ժանապարհներից օգտվելու համար վճարը յուրաքանչյուր մուտքի համար գանձվում է հետևյալ տասնհինգօրյա դրույքաչափերով՝ Թեթև մարդատար (մինչև 7 նստատեղով) ավտոմեքենաների համար՝ 10000դրամ: Օրենքի 9-րդ հոդվածով սահմանում է այլ պետություններում գրանցված տրանսպորտային միջոցներով ավտոմոբիլային ճանապարհներից օգտվելու համար վճարի հաշվարկման և վճարման կարգը: Նշված հոդվածի 1-ին մասի համաձայն՝ այլ պետություններում գրանցված տրանսպորտային միջոցներով ավտոմոբիլային ճանապարհներից օգտվելու համար վճարը հաշվարկվում է սույն օրենքին համապատասխան և պետական բյուջե է մուծվում այդ տրանսպորտային միջոցները Հայաստանի Հանրապետության տարածք մուտք գործելիս՝ բացառությամբ սույն հոդվածի 3-րդ կետում նշված դեպքի, երբ Հայաստանի Հանրապետության տարածքում տասնհինգից ավելի օր գտնվելու դեպքում յուրաքանչյուր հաջորդ տասնհինգ օրվա կամ ավելի պակաս ժամկետի համար այլ պետություններում գրանցված տրանսպորտային միջոցներով ավտոմոբիլային ճանապարհներից օգտվելու համար վճարը հաշվարկվում և պետական բյուջե է մուծվում Հայաստանի Հանրապետության տարածքում գտնվելու ժամկետը լրանալուց հետո՝ հինգ օրվա ընթացքում: Օրենքի 12-րդ հոդվածով սահմանվել են ճանապարհային վճարի վճարման ժամկետները: Նշված հոդվածի 1-ին մասի համաձայն՝ այլ պետություններում գրանցված տրանսպորտային միջոցներով ավտոմոբիլային ճանապարհներից օգտվելու համար վճարը վճարվում է դրանցով Հայաստանի Հանրապետության տարածք մուտք գործելիս:

Եթե այդ տրանսպորտային միջոցները Հայաստանի Հանրապետությունում գտնվում են տասնհինգ օրից ավելի, ապա դրանցով ավտոմոբիլային ճանապարհներից օգտվելու յուրաքանչյուր լրացուցիչ տասնհինգ օրվա (կամ ավելի պակաս ժամկետի) համար կատարվում է նոր վճարում՝ սույն օրենքի 5 հոդվածով սահմանված դրույքաչափերով: Օրենքի 20-րդ հոդվածի համաձայն՝ սույն օրենքի խախտումն առաջացնում է Հայաստանի Հանրապետության օրենսդրությամբ սահմանված պատասխանատվություն իսկ վճարի վճարումն ուշացնելու համար վճար վճարողներից գանձվում է տույժ:

Այսպիսով, վարույթի նյութերով հիմնավորվում է, որ Վաղինակ Սուքիասյանի կողմից ներմուծված տրանսպորտային միջոցի համար 2011 թվականի սեպտեմբերից 19-ից մինչև 2015թ. հուլիս ամիսն ընկած ժամանակահատվածի համար հաշվարկվել է 930000 դրամ ճանապարհային վճար և 656100 դրամ տույժ:

Ելնելով վերոգրյալից և ղեկավարվելով «Ճանապարհային վճարների մասին» ՀՀ օրենքի 5-րդ և 20-րդ հոդվածներով, «Վարչարարության հիմունքների և վարչական վարույթի մասին» ՀՀ օրենքի 53-րդ և 58-րդ հոդվածներով՝

Ո Ր Ո Շ Ե Ց Ի

1. Վաղինակ Սուքիասյանից հոգուտ պետքույցե գանձել 1586100 դրամ, որից 930000 դրամ, որպես վճարման ենթակա ճանապարհային վճարի գումար, իսկ 656100 դրամը՝ ճանապարհային վճարի նկատմամբ հաշվարկված տույժի գումար:
2. Որոշման մասին օրենքով սահմանված կարգով տեղյակ պահել Վաղինակ Սուքիասյանին:

Սույն որոշումն ուժի մեջ է մտնում դրա ընդունման մասին իրազեկելուն հաջորդող օրը և «Վարչարարության հիմունքների և վարչական վարույթի մասին» ՀՀ օրենքի 10-րդ գլխի նորմերին համապատասխան կարող է երկամսյա ժամկետում բողոքարկվել վերադասության կարգով կամ ՀՀ վարչական դատավարության օրենսգրքով սահմանված կարգով՝ վարչական դատարան:

Սույն որոշումը կամավոր չկատարվելու դեպքում այն կկատարվի «Դատական ակտերի հարկադիր կատարման ծառայության» միջոցով՝ պարտապանի հաշվին:

Սույն որոշմամբ նշանակված տուգանքի վճարման հաշվեհամարներն են. **900005027033 (ՀՀ պետական բյուջե, կենտրոնական գանձապետարան, Արեվելյան մարսապուրուն-վարչություն, ԿՈՂ 29):**

ԱՐԵՎԵԼՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ

Ա. ԳՐԻԳՈՐՅԱՆ